

ԿԱՌԱՅՈՒՄԻՄԱՆ, Հովհաննես Սարկավազի աշխատանքներ, ՀՍՍՀ ԳԱ հրատարակչություն, Երևան 1984, 323 էջ:

Կառնեն Միրումյանի «Հովհաննես Սարկավազի աշխարհայացքը» ուսումնասիրությունը հաջողված գործ է, այն բազմակողմանիորեն է ներկայացնում XI—XII դարերի հայ մտավորականին:

Մենագրության առաջին գլուխը նվիրված է Հովհաննես Սարկավազի ապրած դարաշրջանի պատմական ու սոցիալ-քաղաքական իրավիճակի և նրա կյանքի ու ստեղծագործությանը: Տրվում են զարգացած ֆեոդալիզմի ժամանակաշրջանի հիմնական հատկանիշները՝ քաղաքների, արհեստների և առևտրի զարգացումն ու երկրի տնտեսության մեջ դրանց դերի և նշանակության բարձրացումը, քաղաքային և գյուղական բնակչության սոցիալական շերտավորման խորացումը, դրամական փոխհարաբերությունների և հակակրոնական-հակաֆեոդալական շարժումների մեծացումը և այլն: Կ. Միրումյանը նշում է, որ հասարակական հարաբերությունների զարգացման այդ հիմքի վրա աճում է «հետաքրքրությունը դեպի բնագիտական և տեխնիկական գիտելիքները: Արվեստի և գրականության մեջ ասպարեզ են գալիս նոր կենսատու հոսանքներ և ուղղություններ» (էջ 20):

Երկրորդ գլխում տրվում են Սարկավազի բնագիտական հայացքները: Այստեղ Սարկավազը ներկայացվում է որպես բնագետ և միջնադարյան գիտնական: Գլուխը բաղկացած է 4 ենթագլխից. առաջինում բերվում է Սարկավազի տարրաբանությունը (տարրերի մասին ուսմունքը), երկրորդում՝ տիեզերագիտությունը, երրորդում՝ տոմարագիտական և մաթեմատիկական, իսկ չորրորդում՝ կենսաբանական և բժշկագիտական հայացքները: Սարկավազի ուսմունքը տարրերի մասին տարբերվում է հին աշխարհի մտավորականներից, իրավացիորեն նկատում է հեղինակը: Եթե առաջինների (օրինակ՝ Արիստոտելի) մոտ տարրը դիտվում է որպես «սկզբնապատճառ», ապա Սարկավազի մոտ «սկզբնապատճառը» և «տարրը» տարբերվում են միմյանցից, քանի որ աշխարհի սկզբնապատճառը աստված է, նա է ըստանդեղ աշխարհը: Այնուհետև նշվում է, որ նրանց «Հիմնական և երկրորդական հատկություններն առկայությունը որոշում է նաև տարրերի միջև եղած տարբերությունները» (էջ 47): Կ. Միրումյանը ցույց է տալիս նաև դիալեկտիկական որոշ տարրերի առկայությունը տարրերի մասին Սարկավազի ուսմունքում, որն ըստ էության ունի նաև մատերիալիստական միտումներ: Տիեզերագիտությունը ենթադրում է շարադրվում են տիեզերքի մասին Սարկավազի ըմբռնումները, ըստ որի երկիրը գնդաձև է և շրջապատված է երկնային ոլորտներով, որոնց, նաև հողմերի, շնորհիվ երկիրը մնում ու պահվում է տիեզերքի կենտրոնում: Անդրադառնալով Սարկավազի տոմարագիտական և մաթեմատիկական հայացքներին, Կ. Միրումյանը եզրակացնում է, որ նա կուրորեն չէր կրկնօրինակում նախորդ գիտնականներին, այլ զարգացնում էր նրանց մտքերը և իր առջև դրված նպատակի համապատասխան շարադրում ձևերի տակ եղած փաստական նյութը:

Սարկավազի բուն փիլիսոփայական հայացքների վերլուծությունը սկսվում է երրորդ գլխից: «Թեև Սարկավազը,— գրում է Կ. Միրումյանը,— չի թողել զուտ փիլիսոփայական ծավալուն երկեր, սակայն նրա ողջ գիտագրական ժառանգությունը ներթափանցված է փիլիսոփայական վերլուծության ոգով... Գիտափիլիսոփայական մտածողության ուղիները հատկինք, աշխարհիկ, մատերիալիստական գաղափարներ և դրույթները ցրված են նրա գրեթե բոլոր հայտնի աշխատություններում» (էջ 109): Հեղինակն այնուհետև վերլուծում է Ե-սրկավազի գոյաբանական հայացքները, տալով միաժամանակ նրա կողմից կրեացիոնիզմի հարցի նկատմամբ օբյեկտիվ իդեալիզմից շեղվող կարծիքների քննադատությունը: Անցնելով Սարկավազի իմացաբանական հայացքներին, Կ. Միրումյանն անդրադառնում է զգայական և տրամաբանական իմացության աստիճանների մի շարք խնդիրների: Իմացաբանությունը նվիրված մասնավորում է փորձի մասին Սարկավազի հայացքների շարադրանք-

ըով, Պետք է ասել, որ աշխատության այս մասը առավել հաջողված է և էականորեն լրացնում է մինչև այսօր փորձի վերաբերյալ Սարկավազի հայացքների վերլուծությունը Այստեղ բացահայտվում է, թե ինչ է հասկանում Սարկավազը «փորձ» (պրակտիկա) ասելով, թե ինչով են տարբերվում փորձի մասին Սարկավազի և XIII դ. եվրոպական մտածող Ռոդերիկոսի, որը ճանաչվում է որպես փորձնական գիտելիքի նախահայր, հայացքները և այլն: Հաջորդ՝ երրորդ, ենթադրույթը նվիրված է Սարկավազի որամաքանական հայացքներին, Կ. Միրումյանը հմտորեն կարողացել է Սարկավազի առանձին ասույթների հիման վրա վերլուծել նրա որամաքանական հայացքները: Չնայած նյութի սակավությանը, այնուամենայնիվ, նրան հաջողվել է շարադրել Սարկավազի որամաքանական հայացքների վերաբերյալ բավականաչափ մարմամասն համակարգ:

Հայող, անցյալի հետազոտությունների համեմատ հարուստ ու բազմակողմանիորեն են ներկայացված Սարկավազի էսթետիկական հայացքները: Այդ մասին խոսվում է աշխատության յոթերորդ գլխում: Հեղինակը իրավացիորեն նկատում է, որ միջնադարյան հայ հեղինակի էսթետիկական հայացքները նրա հայացքների համակարգում արժանի տեղ են գրավում, որ «նա ստեղծել է ամբողջական տեսություն արվեստի և իրականության էսթետիկական հարաբերությունների, արվեստի ծագման և նրա առարկայի, ֆունկցիաների էության մասին: Հատկանշական է, որ «Բան իմաստության» պոեմում ամփոփված է սարկավազյան էսթետիկայի էությունը: Նրա բազմաթիվ աշխատություններում տեղ գտած ընդարձակ արտահայտությունները էսթետիկայի մասին, որոնք մասնավորապես վերաբերում են երաժշտական էսթետիկային, էլ ավելի են ամբողջացնում հայ մտածողի ընդհանուր էսթետիկական տեսությունը» (էջ 178): Սարկավազի էսթետիկան ներկայացնելիս Կ. Միրումյանն ուսումնասիրել է բավականաչափ բազմաթիվ մանր և հարուստ գրականություն, ծանոթացել է այդ գրականության մեջ արձարժված խնդիրներին ու պրոբլեմներին, խորացրել իր գիտելիքները այդ, հատկապես երաժշտական էսթետիկայի, բնագավառում և համապատասխանորեն արտացոլել դրանք իր աշխատության էջերում:

Հինգերորդ գլխում վերլուծվում են Սարկավազի սոցիալ-քաղաքական և բարոյագիտական հայացքները: Սարկավազն «Իր երկերում արտացոլել է հայկական միջնադարի զաղափարախոսական, սոցիալ-քաղաքական և հոգեւոր պայքարի բազմաթիվ հարցեր, արձագանքել է այն կարևորագույն իրադարձություններին, որոնք տեղի են ունեցել հայ ժողովրդի կյանքում նրա պատմության ամենադրամատիկ էջերից մեկում...» Սարկավազն անդրադառնում է քաղաքական, պետական կառավարման ու ընտանեկան իրավունքին, դատավարության, բարոյականության նորմերին, միջնադարյան բարոյագիտության կատեգորիաներին՝ արդարություն, արիություն, առաքինություն, մարդկային կյանքում բարի ու շար սկզբունքների փոխհարաբերության վերաբերյալ մի շարք հարցերի ճշնություն և այլն» (էջ 224): Նյութի շարադրանքի ընթացքում Կ. Միրումյանը մեկ առ մեկ անդրադառնում է այս հարցերին, ներկայացնելով դրանց մասին Սարկավազի արտահայտած տեսակետները և վերլուծելով դրանք: Աշխատության էջերում զգալի տեղ է բռնում բարոյական և սոցիալական առումով ըստ Սարկավազի խորժ բարքերի ու արարքների քննադատությունը, որն ընդգրկում է ընդհուպ մինչև աստու և աստվածաբանականի ոլորտը:

Աշխատությունն ունի «ներածություն» և «վերջաբան», ուսերեն լեզվով «Ամփոփում», «Մանրագրություններ» և անձնանունների ցանկ: Հատկապես արժեքավոր է «Հովհաննես Սարկավազի գրական ժառանգությունը (մատենագիտություն)» բաժինը, որը, ինչպես նշում է հեղինակը, «սպառելի լինելու հավանություն չունի», ուսկայն ընդգրկում է Սարկավազի 77 անուն աշխատություն: Այս ամենը ցույց է տալիս, որ Միրումյանի ճննարկած պրոբլեմներն ու հարցերը բավականաչափ բազմազան են, և նա աշխատել է առավել լափով ընդգրկել Հովհաննես Սարկավազի աշխարհայացքի բաղադրիչ մասերը, որ նա կատարել է հմտորեն և գիտական պատշաճ մակարդակով:

Կ. Միրումյանի լույս ընծայած այս առաջին մենագրությունը գերծ չէ նաև մասնակի թերություններից: Դրանցից մեկն այն է, որ աշխատության որոշ էջերի շարադրանքում բացակայում է պարզությունը և նկատելի են անորոշություններ (էջ 94—99): Աշխատության մեջ առկա են չափազանցված գնահատականներ: Միրումյանը գրում է, որ ըստ Սարկավազի «աստված ստեղծել է ոչ թե բնության ողջ բազմազանությունը, այլ միայն տաբուրը, որոնց զանազան համակցությունների արդյունք են ինչպես անօրգանական, բուսական և կենդանական աշխարհները, իրենց բոլոր սեռերով ու տեսակներով, այնպես էլ մարդը» (էջ 90):

Անհավանական է, որ Սարկավազը նման ժողովուրդին պաշտպանած լինի, նման տեսակները չի բխում նաև այն մեջբերումից, որն այնուհետև բերում է Կ. Միրումյանը։ Ինչպիսի վերապահություններ էլ անելիս լինենք, Սարկավազը, լինելով կրեացիոնիստ-աստվածաբան, չէր կարող պաշտպանել նման կարծիք։ Դա են ապացուցում Միրումյանի բերած մատերիալիստական և դուալիստական ուսմունքների, առհասարակ աշխարհի ստեղծման հարցում քրիստոնեական դիրքերից շեղվող տեսակետների սարկավազյան քննադատությունը (էջ 113—118)։

198-րդ էջի շարադրանքից հետևում է, որ ըստ Սարկավազի սրբական գործունեության գործարանը մարդկային ուղեղն է՝ և ոչ մարդկային հոգին առհասարակ (էջ 133)։

Հաճախ սխալներ են նկատվում Սարկավազից բերված քաղվածքներում. կամ դժվար է ընկալվում քաղվածքի իմաստը, կամ այն չի համապատասխանում Կ. Միրումյանի տված մեկնարանությունը։

Նշված թերությունները փորձի պակասության հետևանք են, որոնք գիտական հաշորդաշխատանքներում կհաղթահարվեն ու կուղղվեն։ Կարևորն այն է, որ Կ. Միրումյանի աշխատությունը մեթոդաբանական առումով ճիշտ է արտացոլում միջնադարյան մտավորականի հայացքների յուրահատկությունները։

ԳԵՎՈՐԳ ԳՐԻԳՈՐՅԱՆ

Փլիսեփայական գիտությունների դոկտոր